



Број/Број: 01,02,03,03/11-05-13/10
Сарајево/Sarajevo, 23.02.2010. godine

**KOLEGIJU DOMA NARODA PS BIH
KOLEGIJU PREDSTAVNIČKOG DOMA PS BIH**

Predmet: Izvještaj sa Međunarodnog sastanka za podršku Izraelsko-palestinskog mirovnog procesa, Qavra-Malta 12-13.02.2010. godine

Delegaciju Parlamentarne skupštine Bosne i Hercegovine na Međunarodnom sastanku za podršku Izraelsko-palestinskom mirovnom procesu u Qavri, Malta, činili su: gđa Dušanka Majkić, zamjenica predsjedavajućeg Doma naroda PS BiH, g. Branko Kesić, ambasador BiH u Italiji i nerezidentni ambasador na Malti, gđa Mirsada Bukarić-Kovačević, rukovodilac Sektora za međunarodne odnose i protokol PS BiH.

U organizaciji Parlamentarne skupštine Mediterana i Komiteta za ostvarivanje neotuđivih prava palestinskog naroda pri Ujedinjenim nacijama, od 12-13. februara 2010. godine u Qavri na Malti održan je Međunarodni sastanak za podršku izraelsko-palestinskom mirovnom procesu na temu: Hitnost adresiranja statusnih pitanja granica, grada Jerusalima, izgradnje naselja, izbjeglica i pitke vode.

Sastanku su prisustvovali predstavnici četrnaest zemalja članica UN-a i Parlamentarne skupštine Mediterana: Austrije, Bosne i Hercegovine, Belgije, Kine, Kipra, Češke Republike, Egipta, Francuske, Njemačke, Grčke, Italije, Jordana, Libana, Malte; predstavnici međunarodnih organizacija: Vijeća za saradnju arapskih zemalja Zaliva, Evropske komisije - Lige arapskih naroda; Međunarodnih organizacija: Arapske interparlamentarne unije, Evropskog parlamenta, Parlamenta Zapadnoevropske unije, Konsultativnog vijeća zemalja Magreba, OSCE Parlamentarne skupštine, Parlamentarne skupštine Organizacije zemalja za saradnju u crnomorskoj regiji, Parlamentarne unije zemalja OIC-a, UN- Ekonomsko-socijalnog vijeća za Zapadnu Aziju, UN- predstavnik Ureda specijalnog koordinатора za Bliskoistočni mirovni proces, predstavnici civilno-društvenih asocijacija, univerziteta, nevladinih organizacija i medija.

Konferenciju je otvorio i učesnike pozdravio g. Louis Galea, predsjedavajući Predstavničkog doma Parlamenta Malte. Tom prilikom je istakao značaj održavanja ove konferencije kao dodatni korak u rješavanju izraelsko-palestinskog mirovnog procesa, te posebno naglasio **ulogu parlamentarne diplomacije u rješavanju konflikata, sporova i sukoba**. Dr. Toni Borg, zamjenik premijera i ministar vanjskih poslova Malte je u svom obraćanju učesnicima konferencije, podvukao značaj svih dosadašnjih diplomatskih aktivnosti koje su mogle

obezbijediti određeni kontinuitet pregovaranja. Naglasio ulogu „parlamentarnog“ udjela u rješavanju ovih problema, te značaj okupljanja predstavnika zemalja Mediterana u namjeri da razgovaraju o izraelsko-palestinskom mirovnom procesu. Ministar Borg je naveo da je Malta kao mediteranska zemlja duboko opredijeljena za stvaranje uslova za suživot u Regionu, podržala i zaključke Lige arapskih zemalja od oktobra 2090. godine, te istakao opredijeljenost UN-a i njenih tijela te Parlamentarne skupštine Mediterana da se ovom pitanju razgovara i daje pravi značaja. U vezi s tim rekao da UN nikada neće priznati okupaciju , te da će stvarati ambijent da se pregovara o osnovnim principima koji se temelje na dosadšnjim rezolucijama izraelsko palestinskog mirovnog procesa.

Mnogi učesnici su se u svojim obraćanjima hronološki osvrnuli na dosadašnje napore i inicijative za rješavanje ovog problema, poentirajući pitanje granica, izbjeglica, pitanje izgradnje naselja na okupiranoj zemlji, pitanje vode i statusa grada Jerusalima. Nastojanja najvećeg dijela diskutanata bila su usmjerena na konstruktivni dijalog i pokušaj kreiranja političke klime kako bi se o ovim pitanjima razgovaralo na najoptimalniji način što bi u konačnici dovelo do pravednog i pravičnog rješenja. U potpunosti je podržan stav o Jerusalimu, kao glavnom gradu dvije države, Palestine i Izraela, uz međunarodnu podršku ovom rješenju. Pitanje palestinskih izbjeglica, aktuelno u posljednjih šezdeset godina bilo je i ostalo jedno od ključnih pitanja za ostvarivanje uslova za rješenje izraelsko-palestinskog konflikta, čemu su svjedočili i izvještaji predstavnika Komiteta za neotuđiva prava Palestinaca pri UN.

Učesnici ove konferencije su istakli potrebu daljeg zalaganja i učešća UN-a i Vijeća sigurnosti, Arapske lige, zemalja OIC-a, u davanju podrške palestinskom narodu, njihovoj ekonomiji i razvoju te izgradnji državnih institucija. Posebno je naglašen značaj učešća predstavnika zemalja članica Evropske Unije i pozdravljano je donošenje Deklaracije EU od 8. Decembra 2009. godine o većem angažmanu i iaktivnijem učešću u rješavanju mirovnih procesa i pružanju veće ekonomske podrške od strane EU članica.

Svi učesnici Međunarodne sastanka za podršku Izraelsko-palestinskom mirovnom procesu u Qavri su pozdravili izuzetnu podršku Malte u zalaganju za iznalaženje pravednog bliskoistočnog rješenja.

Zapisnik sačinila:

Zapisnik odobrila: